


THE COMPOST COLLECTIVE



POKASI

AMATA ONA FAI

E ese mai faapalaga ia e masani ona tatou faia, o le Pokasi o faiga o le faapalaga e faaaogā ai se pauta e faamafu ma faapala ai au toega meaai. O le faiga lenei o le faamafu e vave ai ona pala meaai ua lafoai, e lē faaumiumi ai foi o tau faapala ni mea ma sau ai le manogi leaga.

O le Pokasi o se faiga o faapalaga e lē faaaogāina ai le okesene. E lua pakete e faaaogā ai, e fafao le isi pakete i totonu o le isi pakete. O le pakete pito i luga o loo tuu ai au toega meaai ma o loo matuā faamau lelei le tapuni ia lē sao atu i ai se ea, ae o le pakete pito i lalo e na te aoina le suavai o le pokasi lea e sasaa ese mai le paketi pito i luga.

E tatau ona teumalu i se nofoaga mafanafana e lē sulugia e le lā.

MEA E TUU I AI

Ona o le faiga lea e faapala ai, ua fuafuaina ai le Pokasi ina ia aoao uma mai ai au toega meaai, lea e ono aofia ai meaai atonu e lē masani ona e faapalaina pe fafaga ai ilo, e pei o:

- Fualaau'aina suamalie ma fualaau faisua o loo felesi
- Penu kofe ma tea bags
- Meaai vela ma meaai tuu'apa e pei o falaoa ma pasta
- Meaai e tele ai le polotini e pei o sisi, fuamoā, aano o manufasi, i'a ma tama'i ponaivi

MEA E AUA NE'I TUUA I AI

Aua ne'i tuua i ai mea nei;

- Mea malo e gaosiga mai le kaponi e pei o pepa vaivai, pepa malo poo tipigālaau ma lapisi mai se faiga togalaau
- Mea faasuavaia e pei o mea e gaosi mai le susu, juice poo suauu
- Ponaivi lapopoa o aano o manufasi
- Pepa iila pipii lea e afifi ai mea



EcoMatters




Kaipātiki Project
share in nature's revival

Auckland Council

Te Kaunihera o Tāmaki Makaurau



POKASI



FAAPEFEA ONA FAI LE POKASI


Tipitipi faaninii au toega meaai ia aua ne'i sili atu le lapopoa nai lo se polo golf, ona teu lea i le container lea ei le fata pito i luga.

1. Fai ma sasaa atu ai nisi toega meaai pe faatasi pe faalua i le aso i lau pakete Pokasi.
2. Ia faamautinoa ua e matuā oomi i lalo toega meaai ina ia maopoopo faatasi ma unai ese ai i fafo soo se ea e sao i totonu.
3. E 1 i le 2 ni sipuni'ai o pokasi e te lulu solo i totonu mo le ta'i 6cms o toega meaai e tuu i totonu.

4. Pe a uma ona faaaogā ia toe tapuni mau le ufiufi o le pakete.

E ta'i 2 lava i le 3 aso ma sasaa ese le suavai lea o loo i le pakete pito i lalo.

E tatau ona faalogoina le manogi mafu o toega meaai ma o le a potopotoi piapia papa'e i le pito i luga. O lona uiga o lena o loo lelei le faiga o le faapalaga.




O LE Ā LE MEA E FAI I LE SUAVAI POKASI?

Liligi sa'o se suavai pokasi e lei suia i totonu o le pu o lou faleese, i le gutu o le faletaele, poo le gutu o le sink e faamamā ai.

Pe a toe sui faavaivai le suavai pokasi, tuu iai ni sipuni'ai se 2 i le 3 o le suavai pokasi i totonu o le ta'i 5 lita o le vaiauli. Liligi lena suavai i le palapala poo lalo i a'a o laau ina ia tausia ai le ola maloloina o laau.

3 sipuni'ai o le suavai pokasi



5 Lita o le vaiauli



O LE Ā LE MEA E FAI I MEAAI POKASI?

Afai ua tumu lau pakete, ia tapuni mau pea mo le 10 i le 14 aso ina ia faamae'a le faiga o le faamafu. Fai lava ma sasaa ese le suavai.

E uma le 10 i le 14 aso, ua sauni lau Pokasi e faaaogā.

Eli se lua i lou togalaau ia loloto e lilo ai le pakete Pokasi ma e faaluaina le umi o le pakete Pokasi.

Tuu meaai faamafu i totonu o le lua ma toe tanu i palapala a ititi mai e 50 i le 75mm le mafiafia. E mavae le 3 i le 4 vaiaso ua liua lau meaai faamafu a avea ma faapalaga ma ua mafai nei ona e totōina sa'o ai lava ni mea i luga o lena faapalaga.

Afai e lē telē sou fanua, e mafai ona e tuu meaai pokasi i lau kalone mo le faapalaga. Faaaogā lau Pokasi e fai ma au fola o "Mea Mata". Fola solo atu ona avane faatele lea o ni "Mea Mamago" e ufiufi ai.



Mea Mamago

Mea Mata

Faaaogā le pokasi e fai ma au fola o mea mata

Faapalaga Faasanuisi

A'o faagāsolo le taimi ua fatufatu i luga fola ma faasolo ina pala

Faapalaga ua mafai ona faaaogā